

de, a naknadno će se objaviti u „Službenim novinama Bosansko-podrinjskog kantona Goražde“.

Broj: 11-11-552-4/24  
14. 5. 2024. godine  
G o r a ž d e

MINISTAR  
Avdo Mirvić, s.r.

Na ovaj Pravilnik Vlada Bosansko-podrinjskog kantona Goražde dala je saglasnost svojom Odlukom broj: 03-11-1067/24 od 10. 5. 2024. godine.

## 547

Na osnovu članova 23. i 24. stav (2) Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 49. stav (5) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24 i 3/24 - Ispravka), Vlada Bosansko-podrinjskog kantona Goražde na 76. redovnoj sjednici, održanoj dana 10. 5. 2024. godine, **d o n o s i:**

### ODLUKU

**o davanju saglasnosti na Pravilnik za ostvarivanje prava na besplatnu i povlaštenu vožnju branilaca i članova njihovih porodica**

#### Član 1.

Ovom se Odlukom daje saglasnost na Pravilnik za ostvarivanje prava na besplatnu i povlaštenu vožnju branilaca i članova njihovih porodica.

#### Član 2.

Ova Odluka stupa na snagu danom objavljivanja na službenoj oglasnoj

tabli Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj: 03-11-1066/24  
10. 5. 2024. godine  
G o r a ž d e

PREMIJER  
Edin Čulov, s.r.

## 548

Na osnovu članova 56. i 66. stavovi (1) i (2) Zakona o organizaciji organa uprave u Federaciji BiH („Službene novine Federacije BiH“, broj: 35/05), člana 49. stav (5) i člana 72. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24, 3/24-Ispravka i 4/24), ministar za boračka pitanja Bosansko-podrinjskog kantona Goražde, **d o n o s i:**

### P R A V I L N I K ZA OSTVARIVANJE PRAVA NA BESPLATNU I POVLAŠTENU VOŽNJU BRANILACA I ČLANOVA NJIHOVIH PORODICA

#### POGLAVLJE I - OPĆE ODREDBE

##### Član 1.

(Predmet Pravilnika)

Ovim Pravilnikom definišu se vidovi prava i korisnici, uređuje način i uvjeti za ostvarivanja prava, objava javnog poziva, podnošenje zahtjeva, obavezna dokumentacija, postupak za ostvarivanje prava, prioriteta za ostvarivanje prava, način isplate i namjena sredstava, finansiranje i nadzor, kao i druga pitanja od značaja za ostvarivanje prava na besplatnu i povlaštenu vožnju branilaca i

članova njihovih porodica (u daljem tekstu: besplatna i povlaštena vožnja).

### **Član 2. (Vidovi prava)**

Pravo na besplatnu i povlaštenu vožnju po odredbama ovog Pravilnika, korisnici prava mogu ostvariti u sljedećim vidovima:

- a) povlaštena vožnja u javnom gradskom saobraćaju na području Bosansko-podrinjskog kantona Goražde (u daljem tekstu: Kanton) i međugradskom saobraćaju u općine iz člana 1. stav (2) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24 i 3/24 – Isppravka, u daljem tekstu: Zakon);
- b) besplatna i povlaštena vožnja djece bez oba roditelja do mjesta studiranja na području Bosne i Hercegovine;
- c) besplatna vožnja do banjškog i klimatskog liječilišta kada su upućeni na liječenje od strane Ministarstva za boračka pitanja Bosansko-podrinjskog kantona Goražde (u daljem tekstu: Ministarstvo).

### **Član 3. (Korisnici prava)**

- (1) Pravo iz člana 2. tačka a) ovog Pravilnika mogu ostvariti:
  - a) ratni vojni invalid i jedan član uže porodice šehida/poginulog branioca (bračni drug, vanbračni

partner, dijete – rođeno u braku ili van braka, usvojenik ili pastorak);

- b) jedan od roditelja šehida/poginulog branioca, ukoliko ne živi u zajedničkom domaćinstvu sa porodicom šehida/poginulog branioca iz tačke a) ovog stava;
  - c) pored ratnog vojnog invalida koji je korisnik prava na dodatak za njegu i pomoć od strane drugog lica, pravo na besplatnu i povlaštenu vožnju ima i lice koje mu tu njegu i pomoć pruža.
- (2) Pravo iz člana 2. tačka b) ovog Pravilnika mogu ostvariti djeca bez oba roditelja koja su redovni studenti na visokoškolskim ustanovama na području Bosne i Hercegovine.
  - (3) Pravo iz člana 2. tačka c) ovog Pravilnika mogu ostvariti lica iz člana 1. Zakona kada su upućena na banjško i klimatsko liječenje od strane Ministarstva.

### **Član 4. (Rodna ravnopravnost)**

Izrazi koji su radi preglednosti dati u jednom gramatičkom rodu u Pravilniku bez diskriminacije se odnose na muški i ženski spol.

## **POGLAVLJE II - NAČIN I UVJETI ZA OSTVARIVANJE PRAVA**

### **Član 5. (Odabir pružaoca usluga prevoza)**

- (1) Izbor pružalaca usluga prevoza korisnika iz člana 3. ovog Pravilnika vrši Ministarstvo u skladu sa pozitivnim zakonskim propisima.

- (2) Ugovorom između Ministarstva i pružalaca usluga će se definisati međusobna prava i obaveze, te način ostvarivanja prava korisnika u skladu sa odredbama ovog Pravilnika.

**Član 6.**  
**(Objava javnog poziva)**

Ministarstvo za svaku godinu, a nakon usvajanja Budžeta Kantona, objavljuje javni poziv za ostvarivanje prava na besplatnu i povlaštenu vožnju lica iz člana 3. ovog Pravilnika.

**Član 7.**  
**(Način podnošenja zahtjeva)**

- (1) Zahtjev za ostvarivanje prava na besplatnu i povlaštenu vožnju lica iz člana 3. ovog Pravilnika (u daljem tekstu: podnosioci zahtjeva), podnose gradskoj/općinskim službama nadležnim za boračko - invalidsku zaštitu sa prostora Kantona (u daljem tekstu: prvostepeni organ) prema mjestu prebivališta, odnosno boravišta na propisanom obrascu u rokovima određenim javnim pozivom za ostvarivanje prava.
- (2) Lica iz člana 1. stav (2) Zakona zahtjev za ostvarivanje prava na besplatnu i povlaštenu vožnju podnose najbližem prvostepenom organu sa prostora Kantona.
- (3) Podnošenjem zahtjeva za banjsko i klimatsko liječenje od strane lica iz člana 1. Zakona, smatra se da je podnesen i zahtjev za vožnju do banjskog i klimatskog liječilišta.
- (4) Podneseni zahtjev za ostvarivanje prava iz stava (1) ovog člana važi za

budžetsku godinu u kojoj je podnjet.

**Član 8.**  
**(Opći uvjeti za ostvarivanje prava)**

Podnosioci zahtjeva mogu ostvariti pravo na besplatnu i povlaštenu vožnju, uz ispunjenje općih uvjeta kako slijedi:

- a) da im je od strane nadležnog organa priznato svojstvo lica iz člana 3. Pravilnika;
- b) da imaju prijavljeno prebivalište, odnosno boravište na području Kantona ili općinama u Republici Srpskoj definisanim u članu 1. stav (2) Zakona.

**Član 9.**  
**(Posebni uvjeti za ostvarivanje prava)**

Pored ispunjavanja općih uvjeta iz člana 8. ovog Pravilnika, podnosioci zahtjeva mogu ostvariti pravo na besplatnu i povlaštenu vožnju, ukoliko pored općih, ispunjavaju i sljedeće posebne uvjete:

- a) za pravo iz člana 2. tačka a) ovog Pravilnika:
  - da podnosilac zahtjeva nije u radnom odnosu;
  - da je mjesto prebivališta, odnosno boravišta, podnosioca zahtjeva udaljeno više od tri kilometra od centra Grada Goražda;
  - da podnosilac zahtjeva nema neizmirenih obaveza po osnovu dodijeljenih sredstava od strane Ministarstva za zaštitu i razvoj turizma/ samostalno poslovanje

nje ili rješavanje stambenih potreba;

b) za pravo iz člana 2. tačka b) ovog Pravilnika:

- da se radi o djetetu bez oba roditelja, koje ima status redovnog studenta i da je predmetni semestar upisalo prvi put u akademskoj godini na koju se zahtjev odnosi;

c) za pravo iz člana 2. tačka c) ovog Pravilnika:

- da je korisnik upućen na banjско i klimatsko liječenje od strane Ministarstva.

#### **Član 10.**

##### **(Obavezna dokumentacija)**

(1) Obavezna dokumentacija koju dostavlja podnosilac zahtjeva za ostvarivanje prava na besplatnu i povlaštenu vožnju jeste:

- a) dokaz o priznatom statusu lica iz člana 3. Pravilnika (rješenje ili uvjerenje o priznatom pravu na ličnu ili porodičnu invalidninu izdato od strane nadležnog organa);
- b) CIPS-ova prijava prebivališta/boravišta;
- c) ovjerena izjava podnosioca zahtjeva da predmetno pravo ne može ostvariti po nekom drugom osnovu;
- d) za ostvarivanje prava na povlaštenu vožnju u javnom gradskom i međugradskom saobraćaju:
  - dokaz da se podnosilac zahtjeva ne nalazi u radnom odnosu (uvjerenje Službe za za-

pošljavanje, ček od penzije, uvjerenje Poreske uprave);

- dokaz izdat od strane Ministarstva da podnosilac zahtjeva nema neizmirenih obaveza po osnovu dodijeljenih sredstava za zapošljavanje/samozapošljavanje ili rješavanje stambenih potreba;

e) za ostvarivanje prava na besplatnu i povlaštenu vožnju djece bez oba roditelja do mjesta studiranja na području Bosne i Hercegovine:

- potvrda visokoškolske obrazovne ustanove o statusu redovnog studenta i da je predmetni semestar u akademskoj godini na koju se zahtjev odnosi upisan prvi put;
- potvrda registrovanog prevoznika o cijeni povratne autobusne karte do mjesta studiranja;
- potvrda banke o otvorenom računu;

f) ostali potrebni dokazi relevantni za odlučivanje o pravu u svakom konkretnom slučaju.

(2) Kao dokazi iz stava (1) ovog člana dostavljaju se originali ili ovjerene fotokopije dokumenata ne stariji od 30 dana, izuzev dokumentacije trajnog karaktera.

(3) Prvostepeni organ će po službenoj dužnosti pribaviti dokumentaciju iz stava (1) ovog člana kojom se dokazuju činjenice o kojima se vodi službena evidencija.

### **POGLAVLJE III - POSTUPAK ZA OSTVARIVANJE PRAVA**

#### **Član 11. (Period korištenja prava)**

Korisnicima prava, pravo na besplatnu i povlaštenu vožnju pripada od prvog dana narednog mjeseca od dana podnošenja zahtjeva i važi do isteka perioda definisanog ugovorom zaključenog između Ministarstva i odabranog pružaoca usluga prevoza.

#### **Član 12. (Utvrđivanje visine sredstava)**

- (1) Visina sredstava na ime ostvarenog prava na besplatnu i povlaštenu vožnju iz člana 2. tačka a) ovog Pravilnika utvrditi će se ugovorom koji zaključuje Ministarstvo sa odabranim pružaocem usluga, s tim što korisnik prava participira ličnim učešćem u visini 10% od ugovorene cijene.
- (2) Visina sredstava na ime ostvarenog prava na besplatnu i povlaštenu vožnju iz člana 2. tačka b) ovog Pravilnika utvrdit će se u visini četiri povratne autobusne karte mjesečno do mjesta studiranja djeteta bez oba roditelja.
- (3) U slučaju da nije organizovan poseban prijevoz lica upućenih na banjsko i klimatsko liječenje od strane Ministarstva, nadoknadit će im se troškovi prijevoza u redovnom autobuskom saobraćaju do mjesta upućivanja na banjsko i klimatsko liječenje.
- (4) Djeca bez oba roditelja u svojstvu korisnika prava oslobađaju se participacije iz stava (1) ovog člana.

#### **Član 13. (Ostvarivanje prava)**

- (1) Za podnosioca zahtjeva koji ispunjavaju opće i posebne uvjete propisane ovim Pravilnikom, prvostepeni organ donosi rješenje o priznavanju prava primjerak kojeg dostavlja i Ministarstvu, a u istom obavezno navodi visinu ličnog učešća - participacije, ako je ista utvrđena ovim Pravilnikom, te način i rokove za uplatu iste.
- (2) Podnosiocu zahtjeva čiji zahtjev je neuređan, nepotpun, neblagovremen ili koji ne ispunjava propisane uvjete, prvostepeni organ prema mjestu prebivališta/boravišta donosi odgovarajući upravni akt u skladu sa odredbama Zakona o upravnom postupku Federacije BiH („Službene novine Federacije BiH“, broj: 2/98, 48/99 i 61/22, u daljem tekstu: ZUP).

#### **Član 14. (Vođenje evidencija)**

- (1) Nakon dostavljanja od strane korisnika prava dokaza o uplati participacije iz člana 12. ovog Pravilnika, prvostepeni organ sačinjava spisak korisnika prava koje dostavlja odabranom prevozniku iz člana 5. ovog Pravilnika uz zahtjev za izdavanje iskaznica za prevoz.
- (2) Prvostepeni organ vodi kompletnu evidenciju o korisnicima kojima je priznato pravo na besplatnu i povlaštenu vožnju, te Ministarstvu dostavlja zbirni mjesečni izvještaj o broju korisnika predmetnog prava.

**Član 15.**  
**(Prijava nastalih promjena)**

- (1) Korisnik prava dužan je prvostepenom organu prijaviti svaku promjenu koja utiče na korištenje, obim i prestanak ovog prava u roku od 15 dana od dana nastale promjene.
- (2) Prvostepeni organ će po službenoj dužnosti na osnovu prijave korisnika prava ili saznanja na drugi način o nastaloj promjeni iz stava (1) ovog člana pokrenuti postupak odmah, a najkasnije u roku od 15 dana od dana prijema zahtjeva, odnosno saznanja i donijeti rješenje o prestanku ili izmjeni priznatog prava na besplatnu i povlaštenu vožnju, sa pravnim djelovanjem od prvog dana narednog mjeseca po nastaloj promjeni.

**Član 16.**  
**(Izjavljivanje žalbe)**

- (1) Protiv upravnih akata iz člana 13. ovog Pravilnika može se izjaviti žalba u roku od 15 dana od dana dostavljanja upravnog akta stranci. Žalba se može izjaviti Ministarstvu putem prvostepenog organa.
- (2) Drugostepena rješenja su konačna u upravnom postupku i protiv istih nije dopuštena žalba, ali se može pokrenuti upravni spor kod nadležnog suda u roku od 30 dana od dana dostavljanja rješenja stranci.

**POGLAVLJE V - FINANSIRANJE  
PRAVA I NADZOR**

**Član 17.**  
**(Obezbeđenje sredstava)**

- (1) Novčana sredstva za isplatu troškova na ime finansiranja prava na besplatnu i povlaštenu vožnju obezbjeđuju se u Budžetu Ministarstva za svaku tekuću godinu.
- (2) Isplatu finansijskih sredstava iz člana 12. ovog Pravilnika vrši Ministarstva za finansije na depozitni račun pružaoca usluga odnosno žiroračune korisnika prava.
- (3) Nadzor nad priznavanjem prava i odobravanjem sredstava po ovom Pravilniku vrši Ministarstvo.

**POGLAVLJE VI - PRELAZNE I  
ZAVRŠNE ODREDBE**

**Član 18.**  
**(Primjena općih propisa)**

Na sve što nije regulisano odredbama ovog Pravilnika, supsidijarno se primjenjuju odredbe ZUP-a.

**Član 19.**  
**(Način izmjena i dopuna)**

Izmjene i dopune ovog Pravilnika se vrše na način i po postupku koji važi za njegovo donošenje.

**Član 20.**  
**(Tumačenje odredbi)**

Tumačenje odredbi ovog Pravilnika daje ministar za boračka pitanja.

**Član 21.**  
**(Stavljanje van snage ranijeg propisa)**

- (1) Danom stupanja na snagu ovog Pravilnika stavlja se van snage Pravilnik

o uvjetima, načinu i kriterijima za utvrđivanje prava na besplatnu i povlaštenu vožnju („Službene novine Bosansko-podrinjskog kantona Goražde“, broj: 4/20 i 9/21).

- (2) Sve radnje i postupci započeti prije stupanja na snagu ovog Pravilnika koji nisu okončani, okončat će se po odredbama Pravilnika iz stava (1) ovog člana.

**Član 22.**  
**(Stupanje na snagu Pravilnika)**

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goražde, a naknadno će se objaviti u „Službenim novinama Bosansko-podrinjskog kantona Goražde“.

Broj: 11-11-560-5/24      M I N I S T A R  
14. 5. 2024. godine      Avdo Mirvić, s.r.  
G o r a ž d e

Na ovaj Pravilnik Vlada Bosansko-podrinjskog kantona Goražde dala je saglasnost svojom Odlukom broj: 03-11-1066/24 od 10. 5. 2024. godine.

.....  
**549**

Na osnovu članova 23. i 24. stav (2) Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 60. stav (4) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24 i 3/24-Ispravka), Vlada Bosansko-podrinjskog kantona Goražde na 76. redovnoj sjednici, održanoj dana 10. 5. 2024. godine, **d o n o s i**:

**O D L U K U**  
**o davanju saglasnosti na Pravilnik za ostvarivanje prava na participaciju troškova dženaze/sahrane branilaca i članova njihovih porodica**

**Član 1.**

Ovom Odlukom daje se saglasnost na Pravilnik za ostvarivanje prava na participaciju troškova dženaze/sahrane branilaca i članova njihovih porodica.

**Član 2.**

Ova Odluka stupa na snagu danom objavljivanja na službenoj oglasnoj tabli Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj: 03-11-1065/24      P R E M I J E R  
10. 5. 2024. godine      Edin Čulov, s.r.  
G o r a ž d e

.....  
**550**

Na osnovu članova 56. i 66. stavovi (1) i (2) Zakona o organizaciji organa uprave u Federaciji BiH („Službene novine Federacije BiH“, broj: 35/05), člana 4. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 70/06, 9/10 i 90/17), člana 17. Zakona o pravima demobilisanih branilaca i članova njihovih porodica („Službene novine Federacije BiH“, broj: 54/19 i 29/22) i člana 60. stav (4) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24, 3/24-Ispravka i 4/24), ministar